



Broj: 02-04-32127-2/22
Sarajevo, 25.08.2022. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na **91.** sjednici održanoj **25.08.2022.** godine, donijela je

ZAKLJUČAK

1. Utvrđuje se prijedlog Zakona o Registru finansijskih obaveza u Kantonu Sarajevo.
2. Predlaže se Skupštini Kantona Sarajevo da, u skladu s Poslovníkom Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22), donese Zakon o Registru finansijskih obaveza u Kantonu Sarajevo.
3. Ovim zaključkom stavlja se van snage Zaključak Vlade Kantona Sarajevo, broj: 02-04-700-2/20 od 23.01.2020. godine.

P R E M I J E R

Edin Forto

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo finansija Kantona Sarajevo,
6. Evidencija,
7. A r h i v a.

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
VLADA**

**ZAKON
O REGISTRU FINANSIJSKIH OBAVEZA
U KANTONU SARAJEVO
(PRIJEDLOG)**

Sarajevo, avgust 2022. godine

Na osnovu člana 12. tačka m) i člana 18. tačka b) Ustava Kantona Sarajevo („Službene novine Kantona Sarajevo“, br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj __. __. 2022. godine, donijela je

PRIJEDLOG

ZAKON O REGISTRU FINANSIJSKIH OBAVEZA U KANTONU SARAJEVO

POGLAVLJE I - UVODNE ODREDBE

Član 1. (Predmet)

- (1) Ovim zakonom utvrđuje se način uspostave, sadržaj i vođenje jedinstvenog registra finansijskih obaveza u Kantonu Sarajevo (u daljem tekstu: Registar).
- (2) Registar je objedinjena evidencija podataka o finansijskim obavezama obveznika unosa podataka.
- (3) Pod obveznicima unosa podataka iz stava (2) ovog člana podrazumijevaju se: kantonalna ministarstva, kantonalne uprave i kantonalne upravne organizacije, stručne i druge službe organa zakonodavne i izvršne vlasti, sudovi, Kantonalno tužilaštvo Kantona Sarajevo, Pravobranilaštvo Kantona Sarajevo, Univerzitet u Sarajevu, drugi budžetski korisnici Kantona Sarajevo, vanbudžetski fondovi, jedinice lokalne samouprave, pravobranilaštva jedinica lokalne samouprave, javne ustanove i javna preduzeća čiji je osnivač Kanton Sarajevo, javna preduzeća i javne ustanove čiji je osnivač jedinica lokalne samouprave u Kantonu Sarajevo, te pravna lica u kojim Kanton Sarajevo i/ili jedinica lokalne samouprave u Kantonu Sarajevo učestvuje sa više od 50% ukupnog kapitala.
- (4) Obveznici unosa podataka iz stava (3) ovog člana u Registar unose podatke o vlastitim finansijskim obavezama.
- (5) Registar se uspostavlja i vodi u elektronskom obliku pod nazivom Registar finansijskih obaveza u Kantonu Sarajevo.

Član 2. (Definicija finansijskih obaveza)

Pod finansijskim obavezama u smislu ovog zakona podrazumijevaju se: obaveze po primljenim kreditima, obaveze po izdatim garancijama, obaveze po osnovu poreza i doprinosa koje nisu plaćene u periodu dužem od 180 dana od dana dospijeaća, potencijalne obaveze po osnovu tužbi i nepravosnažnih sudskih odluka, obaveze po osnovu pravosnažnih sudskih odluka, sudskih ili vansudskih nagodbi, obaveze po osnovu izvršnih sudskih rješenja i obaveze prema dobavljačima roba i usluga koje nisu plaćene u periodu dužem od 180 dana od dana dospijeaća.

Član 3. (Svrha Registra)

Registar iz člana 1. ovog zakona predstavlja jedinstvenu evidenciju podataka o finansijskim obavezama obveznika unosa podataka u svrhu centralizovanog, kvalitetnog i efikasnog upravljanja novčanim sredstvima u Kantonu Sarajevo (u daljem tekstu: Kanton).

Član 4. (Rodna neutralnost izraza)

Izrazi koji su radi preglednosti dati u jednom gramatičkom rodu u ovom zakonu, bez diskriminacije se odnose i na muški i na ženski rod.

POGLAVLJE II - USPOSTAVA, SADRŽAJ I VOĐENJE REGISTRA

Član 5. (Uspostava Registra)

- (1) Registar uspostavlja i vodi Ministarstvo finansija Kantona Sarajevo (u daljem tekstu: Ministarstvo).
- (2) Nakon uspostave Registra, njegovim daljim razvojem, unapređenjem i korištenjem podataka upravlja Ministarstvo.
- (3) Ministarstvo je ovlašteno da prikuplja, evidentira, obrađuje, koristi i arhivira podatke sadržane u Registru.
- (4) Na osnovu podataka sadržanih u Registru, Ministarstvo, u cilju efikasnijeg upravljanja finansijskim obavezama i saniranja ukupnog duga u Kantonu, kreira i predlaže politike, strategije i mjere koje razmatra i usvaja Vlada Kantona Sarajevo, a za jedinice lokalne samouprave, pravobranilaštva jedinica lokalne samouprave, javna preduzeća i javne ustanove čiji je osnivač jedinica lokalne samouprave te pravna lica u kojim jedinica lokalne samouprave u Kantonu Sarajevo učestvuje sa više od 50% ukupnog kapitala, gradsko odnosno općinsko vijeće.
- (5) U obavljanju poslova u vezi sa Registrom, stručno-operativnu i tehničku pomoć Ministarstvu pružaju Zavod za informatiku i statistiku Kantona Sarajevo (u daljem tekstu: Zavod) i obveznici unosa podataka u smislu ovog zakona.

Član 6. (Sadržaj Registra)

- (1) Registar čini sedam podregistara finansijskih obaveza, i to: podregistar primljenih kredita, podregistar izdatih garancija, podregistar poreza i doprinosa, podregistar tužbi i nepravosnažnih sudskih odluka, podregistar pravosnažnih sudskih odluka/sudskih ili vansudskih nagodbi, podregistar izvršnih sudskih rješenja i podregistar dobavljača i drugih povjerilaca.
- (2) Podaci o konkretnoj finansijskoj obavezi unose se u odgovarajući podregistar iz stava (1) ovog člana, popunom predviđenih rubrika u aplikaciji informatičkog sistema.
- (3) Unos podataka o finansijskim obavezama obveznika unosa podataka vrši se na osnovu relevantne dokumentacije.
- (4) Ministar finansija Kantona Sarajevo (u daljem tekstu: ministar) može dopunjavati uspostavljeni Registar, odnosno utvrđivati nove podregistre pored podregistara iz stava (1) ovog člana.

Član 7. (Obaveza unosa podataka)

- (1) Ministar donosi uputstvo kojim se bliže uređuje postupak unosa i verifikacije podataka unesenih u Registar.
- (2) Obveznici unosa podataka dužni su imenovati odgovorna i ovlaštena lica za unos podataka u Registar u roku od 30 dana od dana stupanja na snagu ovog zakona i o imenovanim licima pisanim putem dostaviti podatke Ministarstvu.
- (3) Upute za registraciju i dobijanje korisničke šifre sa odgovarajućom privilegijom sastavni su dio uputstva iz stava (1) ovog člana.
- (4) Obveznici unosa podataka dužni su o svakoj promjeni odgovornih i ovlaštenih lica za unos podataka pisanim putem obavijestiti Ministarstvo u roku od sedam dana od dana promjene.

Član 8.
(Osiguranje uslova za vođenje Registra i edukacija)

- (1) Rukovodilac obveznika unosa podataka odgovoran je za osiguranje potrebnih kadrovskih i tehničkih kapaciteta za unos podataka u Registar.
- (2) Za provedbu obavezne edukacije odgovornih i ovlaštenih lica iz člana 7. stav (2) ovog zakona, odgovorno je Ministarstvo.
- (3) Edukacija iz stava (2) ovog člana će se realizovati u roku od 60 dana od dana stupanja na snagu ovog zakona.

Član 9.
(Rokovi za unos i verifikaciju podataka)

- (1) Obveznici unosa podataka su dužni u roku od 120 dana od dana stupanja na snagu ovog zakona izvršiti unos podataka o svim finansijskim obavezama, u skladu sa njegovim odredbama.
- (2) Nakon inicijalnog unosa podataka iz stava (1) ovog člana, obveznici unosa podataka su dužni sve naknadne promjene podataka uredno evidentirati u Registru najmanje jednom kvartalno, do posljednjeg dana tekućeg mjeseca za prethodni kvartal.
- (3) Rukovodioci obveznika unosa podataka dužni su u rokovima iz st. (1) i (2) ovog člana elektronski verifikovati izvršeni unos potvrdom u odgovarajućem polju aplikacije.

Član 10.
(Odgovornost za tačnost podataka)

- (1) Obveznici unosa podataka su odgovorni za tačnost podataka unesenih u Registar.
- (2) Odgovorna i ovlaštena lica obveznika unosa podataka iz člana 7. stav (2) ovog zakona dužna su naknadno uočene pogrešne podatke korigovati odmah po saznanju.

Član 11.
(Vođenje Registra)

- (1) Ministarstvo primjenom odgovarajućih rješenja podatke pripremljene od obveznika unosa podataka objedinjuje u jedinstvenu bazu automatskim preuzimanjem podataka.
- (2) Ministarstvo je dužno da reaguje prema obveznicima unosa podataka i/ili preduzme zakonom propisane mjere ukoliko uoči nepoštivanje odredaba ovog zakona.

POGLAVLJE III - KORIŠTENJE PODATAKA

Član 12.
(Ovlaštenja za pristup podacima iz Registra)

- (1) Odgovorna i ovlaštena lica za unos podataka iz člana 7. stav (2) ovog zakona isključivo mogu pristupati podacima o finansijskim obavezama obveznika unosa podataka koji ih je imenovao.
- (2) Podaci uneseni pod jednom korisničkom šifrom mogu biti izmijenjeni pod drugom korisničkom šifrom dodijeljenom istom obvezniku unosa podataka.
- (3) Pored lica iz stava (1) ovog člana, pristup podacima u Registru imaju rukovodioci obveznika unosa podataka za podatke koji se odnose na finansijske obaveze obveznika unosa podataka.
- (4) Ministar je ovlašten da pristupa svim podacima u Registru.
- (5) Pravo pristupa i upravljanja podacima ima i lice ovlašteno za administriranje Registra u Ministarstvu.
- (6) Izuzetno od stava (4) ovog člana, ministar može donijeti odluku kojom ovlaštenje za pristup svim podacima u Registru odobrava i drugom licu.

(7) Lica iz st. (3), (4), (5) i (6) ovog člana nemaju ovlaštenje za unos podataka u Registar, izuzev ako su u skladu sa članom 7. stav (2) ovog zakona imenovani za odgovorna i ovlaštena lica.

Član 13. **(Ustupanje podataka)**

- (1) Registar finansijskih obaveza nije javan.
- (2) Ministarstvo nije ovlašteno distribuirati ili objavljivati podatke u njihovom izvornom obliku, niti ustupati bazu podataka bilo kojem fizičkom ili pravnom licu.
- (3) Ministar može sintetičke izvještaje, analize i informacije sačinjene na osnovu podataka iz Registra učiniti dostupnim u svrhu statističke ili naučno-istraživačke obrade, preduzimanja mjera na provedbi ovog zakona, te izvršavanja nadležnosti zakonodavne, izvršne ili sudske vlasti.

Član 14. **(Održavanje softverske aplikacije i zaštita podataka u Registru)**

- (1) Za održavanje softverske aplikacije i očuvanje povjerljivosti, integriteta i osiguranje dostupnosti podataka u Registru odgovoran je Zavod.
- (2) Za povjerljivost korisničke šifre odgovoran je korisnik.

Član 15. **(Pohrana izmjena i ispravki podataka u Registru)**

Zavod je dužan da osigura pohranu i čuvanje informacija o svim podacima prvobitno unesenim u Registar, bez obzira na njihove naknadne izmjene ili ispravke, te licima i korisničkim šiframa pod kojim su podaci prvobitno uneseni, odnosno naknadno izmijenjeni ili ispravljani.

POGLAVLJE IV - KAZNE ODREDBE

Član 16. **(Kršenje odredaba)**

- (1) Odgovorno i ovlašteno lice iz člana 7. stav (2) ovog zakona, koje namjerno ili iz nepažnje propusti da unese podatke ili izvrši unos netačnih podataka o finansijskim obavezama obveznika unosa podataka, ukoliko radnja ne sadrži obilježja krivičnog djela, kazniće se novčanom kaznom od 500 do 1.000 KM.
- (2) Za ponovljeni prekršaj iz stava (1) ovog člana odgovorno i ovlašteno lice kazniće se novčanom kaznom od 2.000 do 3.000 KM.
- (3) Za nepotpun ili netačan unos podataka iz stava (1) ovog člana i nepostupanje u skladu sa članom 7. st. (2) i (4) ovog zakona, kazniće se rukovodilac obveznika unosa podataka novčanom kaznom od 1.000 do 2.000 KM.
- (4) Za ponovljeni prekršaj iz stava (3) ovog člana, rukovodilac obveznika unosa podataka kazniće se novčanom kaznom od 3.000 do 5.000 KM.
- (5) Ministarstvo pokreće prekršajni postupak za prekršaje iz ovog člana, u skladu sa Zakonom o prekršajima („Službene novine Federacije BiH“, broj 63/14).

Član 17. **(Disciplinska odgovornost)**

Rukovodilac obveznika unosa podataka, odgovorna i ovlaštena lica iz člana 7. stav (2) ovog zakona i zaposlenici Ministarstva i Zavoda, u svom djelokrugu rada i u skladu sa odredbama ovog zakona, podliježu disciplinskoj odgovornosti shodno posebnim propisima.

POGLAVLJE V – PRELAZNE I ZAVRŠNE ODREDBE

Član 18.

(Donošenje podzakonskih propisa)

- (1) Ministar će u roku od 30 dana od dana stupanja na snagu ovog zakona donijeti uputstvo iz člana 7. stav (1) ovog zakona.
- (2) Zavod će u roku od 30 dana od dana stupanja na snagu ovog zakona donijeti akt kojim će propisati mjere, sredstva i uslove zaštite i pohrane podataka.

Član 19.

(Nadzor)

Nadzor nad provođenjem ovog zakona vrši Ministarstvo.

Član 20.

(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

Broj:

____.____.____. godine
Sarajevo

Predsjedavajući
Skupštine Kantona Sarajevo
Elvedin Okerić

O B R A Z L O Ž E N J E

PRAVNI OSNOV

Pravni osnov za donošenje Zakona o Registru finansijskih obaveza u Kantonu Sarajevo sadržan je u odredbama člana 12. tačka m) Ustava Kantona Sarajevo („Službene novine Kantona Sarajevo“, br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), kojim je utvrđeno da Kanton Sarajevo ima sve nadležnosti koje nisu izričito povjerene Federalnoj vlasti ili koje ne spadaju u vlastite nadležnosti jedinica lokalne samouprave, a posebno je nadležan za finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima, i člana 18. tačka b) kojim je utvrđeno da je u nadležnosti Skupštine Kantona Sarajevo, između ostalog, i donošenje zakona i drugih propisa u okviru izvršavanja nadležnosti Kantona.

RAZLOZI ZA DONOŠENJE

Na nivou Kantona Sarajevo nije uspostavljena jedinstvena baza podataka o svim obavezama kantonalnih ministarstava, kantonalnih uprava i kantonalnih upravnih organizacija, stručnih i drugih službi organa zakonodavne i izvršne vlasti, i drugih budžetskih korisnika Kantona Sarajevo, vanbudžetskih fondova, jedinica lokalne samouprave, javnih ustanova i javnih preduzeća čiji je osnivač Kanton Sarajevo, javnih preduzeća i javnih ustanova čiji je osnivač jedinica lokalne samouprave u Kantonu Sarajevo, te pravnih lica u kojim Kanton Sarajevo i/ili jedinica lokalne samouprave u Kantonu Sarajevo učestvuje sa više od 50% ukupnog kapitala (npr. obaveze po sudskim odlukama, obaveze prema vanbudžetskim fondovima, dobavljačima, i sl.).

Jedinstvena evidencija takvih podataka je podloga temeljem koje bi bilo moguće vršiti potrebne analize, predlagati i donositi odgovarajuće politike, strategije i mjere, sa ciljem da se u konačnici efikasnije upravlja obavezama i utiče na smanjenje duga u Kantonu Sarajevo. Objedinjenost podataka je od posebne koristi za praćenje i dijagnostiku problematike kašnjenja u ispunjavanju obaveza po različitim osnovama, te služi kao okidač za blagovremeno djelovanje i minimiziranje štetnih posljedica po budžet Kantona Sarajevo.

Na osnovu svega naprijed obrazloženog, Ministarstvo finansija Kantona Sarajevo procjenjuje da je uspostavljanje jedinstvenog registra finansijskih obaveza u Kantonu Sarajevo od izuzetnog značaja, te predlaže Vladi Kantona Sarajevo da utvrdi Prijedlog zakona o Registru finansijskih obaveza u Kantonu Sarajevo.

USKLAĐENOST SA LEGISLATIVOM EVROPSKE UNIJE

Oblast koju obrađuje ovaj zakon nije posebno regulisana u zakonodavstvu odnosno uredbama, direktivama i odlukama Evropske unije.

PRAVNA RJEŠENJA

U članu 1. utvrđuje se predmet, definišu obveznici unosa podataka u Registar i propisuje da se Registar vodi u elektronskom obliku.

U članu 2. definišu se vrste obaveza koje se unose u Registar.

U članu 3. određena je svrha uspostave Registra.

U članu 4. definisana je neutralnost pojmova koji imaju rodno značenje.

U članu 5. utvrđuje se Ministarstvo finansija Kantona Sarajevo kao nadležni organ za uspostavu, vođenje i dalji razvoj Registra, ovlaštenje Ministarstva finansija Kantona Sarajevo za prikupljanje, evidentiranje, obradu, korištenje i arhiviranje podataka, bliže pojašnjava svrha

Registra i organi koji su dužni da pružaju stručno-operativnu i tehničku pomoć u obavljanju poslova.

U članu 6. definiše se sadržaj Registra, odnosno podregistri kao njegovi sastavni dijelovi, te daje ovlaštenje ministru finansija Kantona Sarajevo da svojom odlukom utvrđuje nove podregistre i na drugi način dopunjava uspostavljeni Registar.

U članu 7. utvrđuje se obaveza Ministarstva finansija Kantona Sarajevo da pripremi odgovarajuće uputstvo kojim se bliže uređuje postupak unosa podataka u Registar, reguliše način imenovanja odgovornih i ovlaštenih lica za unos podataka i dobijanje korisničke šifre, te rokovi za imenovanje i obavještanje Ministarstva finansija Kantona Sarajevo o imenovanju i promjeni lica odgovornih i ovlaštenih za unos podataka.

U članu 8. određuju se odgovorna lica za osiguranje potrebnih kapaciteta za obavljanje poslova, definiše organ zadužen za realizaciju edukacije i rok za provedbu edukacije.

U članu 9. definiše se rok za inicijalni retroaktivni unos podataka, određuje dalja dinamika unosa podataka i utvrđuje obaveza verifikacije izvršenog unosa od strane rukovodioca obveznika unosa podataka. Po provedenoj javnoj raspravi, na inicijativu KJKP „Park“ d.o.o. Sarajevo, rok iz člana 9. stav (1) za inicijalni unos podataka je izmijenjen sa 90 dana, kako je bilo definisano u Nacrtu, na 120 dana.

U članu 10. utvrđuje se odgovornost za tačnost podataka unesenih u Registar te korekcije naknadno uočenih pogrešaka.

U članu 11. definiše se automatizacija preuzimanja unesenih podataka od strane Ministarstva finansija Kantona Sarajevo i obaveza reagovanja u slučaju uočenog nepoštivanja odredaba zakona.

U članu 12. određuje se krug lica ovlaštenih za unos i nivoi privilegija za pristup i izmjenu podataka.

U članu 13. propisuje se da Registar nije javan te definišu ovlaštenja, uslovi i način ustupanja podataka iz Registra.

U članu 14. utvrđuje se odgovornost Zavoda za informatiku i statistiku Kantona Sarajevo za održavanje softverske aplikacije i očuvanje povjerljivosti, integriteta i dostupnosti podataka u Registru, te odgovornost korisnika za povjerljivost korisničke šifre.

U članu 15. uspostavlja se obaveza Zavoda za informatiku i statistiku Kantona Sarajevo da osigura pohranu informacija o unesenim podacima i korisničkim šiframa pod kojim su podaci uneseni.

U članu 16. date su kaznene odredbe za kršenje odredaba ovog zakona.

U članu 17. propisana je disciplinska odgovornost.

U članu 18. utvrđuje se odgovornost i rokovi za donošenje podzakonskih akata.

U članu 19. uređuje se da nadzor nad provođenjem ovog zakona vrši Ministarstvo finansija Kantona Sarajevo.

U članu 20. propisano je stupanje na snagu zakona.

FINANSIJSKA SREDSTVA

Za provođenje ovog zakona nisu potrebna dodatna finansijska sredstva u budžetu Kantona Sarajevo.

Napomena : U skladu sa Zaključkom Vlade Kantona Sarajevo, broj 02-04-6504-4/20 od 06.03.2020. godine Služba za skupštinske poslove Kantona Sarajevo dopisom broj 15-45-6970-1/20 od 10.03.2020. g. izvršila je povrat traženog materijala- Prijedloga zakona o Registru finansijskih obaveza u Kantonu Sarajevo, sa pratećom dokumentacijom , a Stručna Služba Vlade je dopisom broj 16-45-6970-5/20 od 11.03.2020. godine Prijedlog zakona sa pratećom dokumentacijom vratila Ministarstvu finansija.

**Bosna i Hercegovina
Federacija Bosne i Hercegovine
KANTON SARAJEVO
VLADA**

**IZVJEŠTAJ
O REZULTATIMA JAVNE RASPRAVE
O NACRTU ZAKONA O REGISTRU FINANSIJSKIH OBAVEZA
U KANTONU SARAJEVO**

Sarajevo, avgust 2022. godine

Skupština Kantona Sarajevo je na sjednici održanoj 19.11.2019. godine utvrdila Nacrt zakona o Registru finansijskih obaveza u Kantonu Sarajevo i odredila rok od 30 dana za javnu raspravu.

U toku javne rasprave dostavljene su primjedbe, prijedlozi i sugestije na Nacrt zakona o Registru finansijskih obaveza u Kantonu Sarajevo, koje je razmatrala Vlada Kantona Sarajevo na sjednici održanoj _____ 2022 godine, i zauzela stavove kako slijedi:

DOSTAVLJENE PRIMJEDBE I PRIJEDLOZI

1. GRAD SARAJEVO

„Poštovani,

Kao učesnik u Javnoj raspravi na Nacrt Zakona o Registru finansijskih obaveza u Kantonu Sarajevo, dostavljamo generalnu primjedbu kako slijedi:

U članu 1. stav (3), kojim su definisani obaveznici unosa podataka, brisati riječi: "jedinice lokalne samouprave", kao i "javna preduzeća čiji je osnivač jedinica lokalne samouprave u Kantonu Sarajevo" i "pravna lica u kojima jedinice lokalne samouprave u Kantonu Sarajevo učestvuju sa više od 50% ukupnog kapitala".

Obrazloženje:

Kanton Sarajevo nije nadležan za donošenja zakona koji bi u predmetnoj oblasti bio obavezujući za jedinice lokalne samouprave i javna preduzeća čiji osnivač su jedinice lokalne samouprave odnosno pravna lica u kojima jedinice lokalne samouprave učestvuju sa više od 50% ukupnog kapitala.

U Preambuli samog Zakona navedeno je da je pravni osnov za donošenje istog član 12. tačka m) i član 18. tačka b) Ustava Kantona Sarajevo ("Službene novine Kantona Sarajevo" broj: 1/96, 2/96-ispravka, 3/96-ispravka, 16/97, 14/00, 4/01, 28/047, 6/13 i 31/17). Naime, članom 12. tačka m) propisano je da Kanton Sarajevo ima sve nadležnosti koje nisu izričito povjerene Federalnoj vlasti ili koje ne spadaju u vlastite nadležnosti jedinica lokalne samouprave, a posebno je nadležan za finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima. Dakle, akcenat je stavljen isključivo na kantonalne organe vlasti i kantonalne agencije i Zakon o Registru finansijskih obaveza u Kantonu Sarajevo može obuhvatiti samo kantonalni nivo.

Iz navedenog proizilazi da Kanton Sarajevo nema nadležnosti u pogledu finansiranja djelatnosti jedinica lokalne samouprave oporezivanjem, zaduživanjem ili drugim sredstvima, te shodno tome nema nadležnosti niti za uspostavu i vođenje registra finansijskih obaveza koji bi obuhvatio jedinice lokalne samouprave, preduzeća čiji osnivač je jedinica lokalne samouprave kao ni pravna lica u kojima jedinica lokalne samouprave ima učešća.

Javna preduzeća čiji osnivač je Grad Sarajevo kao jedinica lokalne samouprave su osnovana u skladu sa Zakonom o javnim preduzećima u Federaciji Bosne i Hercegovine ("Službene novine Federacije Bosne i Hercegovine" broj: 8/05, 81108, 22/09 i 109/12) i Zakonom o privrednim društvima ("Službene novine Federacije Bosne i Hercegovine" broj: 81/15), i u svom radu u potpunosti primjenjuju odredbe navedenih zakona. Dakle, osnivanje i rad javnih preduzeća je u isključivoj nadležnosti Federacije Bosne i Hercegovine te je iz tog razloga potrebno izvršiti izuzeće ovih preduzeća od primjene Zakona o Registru finansijskih obaveza u Kanton Sarajevo.

Članom 5. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj: 49/06 i 51/09)) propisano je da je

Grad jedinica lokalne samouprave koja predstavlja urbanu, infrastrukturnu cjelinu povezanu svakodnevnim potrebama stanovništva. Shodno odredbama člana 8. istog zakona jedinica lokalne samouprave ima vlastite nadležnosti ustanovljene ustavom i zakonom i ima pravo baviti se svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge vlasti na osnovu ustava i zakona, a među kojima su kao **vlastite nadležnosti navedene:**

- donošenje budžeta jedinice lokalne samouprave;
- donošenje programa i planova razvoja jedinice lokalne samouprave i stvaranje uvjeta za privredni razvoj i zapošljavanje;
- raspisivanje javnog zajma i odlučivanje o zaduženju jedinica lokalne samouprave itd.

Podsjećamo i daje članom 1. tačka 5. Ustava Bosne i Hercegovine propisano:

"Glavni grad Bosne i Hercegovine je Sarajevo".

Dakle, Ustav Bosne i Hercegovine, kao najviši pravni akt, odredio je daje Grad Sarajevo glavni grad države Bosne i Hercegovine.

Članom 4. Ustava Federacije Bosne i Hercegovine propisano je:

"Glavni grad Federacije je Sarajevo."

Amandmanom XVI na Ustav FBiH (Odluka o proglašenju Amandmana II-XXIV na Ustav FBiH od 05.06.1996.g.), u poglavlju "VI.A.Gradske vlasti", između ostalog, propisano je:

"(1) Za područje dvije ili više općina koje su urbano i teritorijalno povezane svakodnevnim potrebama građana, formira se grad kao jedinica lokalne uprave i samouprave, u skladu sa federalnim zakonom."

Uobičajeno tumačenje ove odredbe, pretpostavilo bi da se i Grad Sarajevo kao i drugi gradovi u FBiH, formira kao jedinica lokalne uprave i samouprave za područje općina koje su urbano i teritorijalno povezane svakodnevnim potrebama građana.

Dakle, iz citiranih odredbi Ustava Bosne i Hercegovine i Ustava Federacije Bosne i Hercegovine, kao i zakonske regulative o lokalnoj samoupravi jasno proizilazi daje Grad Sarajevo glavni grad Bosne i Hercegovine i Federacije Bosne i Hercegovine, da je organizacijski jedinica lokalne samouprave, zbog čega se Zakon o Registru finansijskih obaveza u Kantonu Sarajevo ne može primjenjivati na Grad Sarajevo.

Stava smo da se Registar finansijskih obaveza u Kantonu Sarajevo može uspostaviti i voditi jedino i isključivo za kantonalna ministarstva, kantonalne uprave i kantonalne upravne organizacije, stručne i druge službe organa zakonodavne i izvršne vlasti Kantona Sarajevo, Sudove Kantona Sarajevo, Tužilaštvo Kantona Sarajevo, Pravobranilaštvo Kantona Sarajevo, Univerzitet u Sarajevu, javne ustanove i preduzeća čiji je osnivač Kanton Sarajevo, te pravna lica u kojima Kanton Sarajevo učestvuje sa više od 50% ukupnog kapitala.

Shodno navedenom Grad Sarajevo ne želi izbjeći Registar finansijskih obaveza obzirom da u skladu sa federalnim propisima Grad Sarajevo uredno dostavlja periodične i godišnje izvještaje o izvršenju Budžeta Grada Sarajeva."

Stav predlagača:

Primjedba se ne prihvata

Stav predlagača je da se predloženim zakonom ni u kojem smislu ne dira u pravo jedinica lokalne samouprave da se bave svim pitanjima od lokalnog značaja koja nisu isključena iz njihove nadležnosti.

Svrha Registra je prvenstveno uspostavljanje centralizovane baze podataka o finansijskim obavezama svih obveznika kako bi se mogao konstatovati stvarni dug u Kantonu Sarajevo. Uspostavljanje takve evidencije ne zadire, kako u izjašnjenju Grada Sarajeva citirane vlastite nadležnosti jedinica lokalne samouprave: donošenje budžeta jedinica lokalne samouprave,

donošenje programa i planova razvoja jedinice lokalne samouprave i stvaranje uvjeta za privredni razvoj i zapošljavanje, raspisivanje javnog zajma i odlučivanje o zaduženju jedinica lokalne samouprave, tako ni u druge zagarantovane vlastite nadležnosti jedinica lokalne samouprave. Odredbama člana 12. Ustava Kantona Sarajevo propisano je: „Kanton ima sve nadležnosti koje nisu izričito povjerene Federalnoj vlasti ili koje ne spadaju u vlastite nadležnosti jedinica lokalne samouprave, a posebno je nadležan za...“.

Nadalje, nije sporno, ali ni relevantno u kontekstu ovog zakona, da su javna preduzeća dužna da posluju u skladu sa Zakonom o javnim preduzećima u Federaciji Bosne i Hercegovine i Zakonom o privrednim društvima.

2. KJKP PARK

„U skladu sa vašim dopisom broj gornji od 28.11.2019 godine koji smo zaprimili dana 05.12.2019 godine dostavljamo vam naše primjedbe i prijedloge na nacrt Zakona o registru finansijskih obaveza.

Primjedba na član 2 nacrta Zakona koji reguliše definiciju finansijskih obaveza potrebno je da se definicija obaveza precizira u smislu da se u odnosu na obaveze po osnovu sudskih odluka i drugih navedenih obaveza u definiciji obaveze navede da iste obaveze obuhvataju i i obaveze po osnovu zatezних kamata na glavni dug, troškova postupka u sudskom postupku kao i u postupku prinudne naplate neplaćenih poreza i doprinosa i kamate po kreditima. U članu 6 nacrta Zakona u skladu sa gore navedenim prijedlozima treba u registru obaveza navesti posebno obaveze pored glavnog duga i obaveze po osnovu kamata po kreditima i zatezних kamata i troškova postupka u sudskom postupku i postupku prinudne naplata doprinosa i poreza s tim što bi iste trebalo definisati da se obračunavaju na dan unosa podataka.

U članu 9 nacrta Zakona smatramo da treba produžiti rok od 90 dana od dana stupanja na snagu ovog zakona za unos podataka imajući u vidu činjenicu da je utvrđen rok od 30 dana za imenovanje odgovornih lica ,rok od 60 dana za obuku odgovornih lica za edukaciju, te smatramo da taj rok treba produžiti i da isti iznosi 120 dana.“

Stav predlagača

Prijedlog se djelimično prihvata.

Prihvata se prijedlog izmjene člana 9. za produženje roka za unos podataka o svim finansijskim obavezama sa 90 na 120 dana od dana stupanja na snagu zakona.

Prijedlog za preciznije/detaljnije definisanje obaveza po osnovu sudskih odluka i po drugim osnovama u članu 2. i članu 6. nije prihvaćen, jer su redovne i zatezne kamate, sudski i drugi troškovi, po svojoj prirodi akcesorni ili sporedni, te svakako vezani za glavnu obavezu. U samoj informatičkoj aplikaciji u koju se vrši unos obaveza predviđene su zasebne rubrike za unos kamata i troškova, a postupak unosa i verifikacije podataka predmet je posebnog uputstva koje donosi ministar finansija.

3.OPĆINA ILIDŽA

„Razmatranjem Nacrta Zakona o Registru finansijskih obaveza u Kantonu Sarajevo predlažemo da se:

- u članu 1. briše "jedinice lokalne samouprave" i "pravobranilaštva jedinica lokalne samouprave" jer smatramo da općine imaju svoje evidencije i da efikasno upravljaju svojim

obavezama te da nema potrebe općine izlagati dodatnim troškovima: osiguranje kadrovskih, tehničkih kapaciteta i finansijskih sredstava za unošenje podataka u Registar;

- u članu 2. doda da se pod finansijskim obavezama smatraju i obaveze po Sporazumima odnosno Protokolima obzirom da Ministarstvo za boračka pitanja ima obaveze prema Općini Ilidža po osnovu Protokola o dinamici isplate naknade za oslobađanje troškova naknade za pogodnost građevinskog zemljišta - rente u postupku legalizacije građevina izgrađenih bez odobrenja za pripadnike boračke populacije Kantona Sarajevo.“

Stav predlagača:

Prijedlog se ne prihvata.

Razlozi neprihvatanja izmjene u članu 1. u smislu brisanja jedinica lokalne samouprave i pravobranilaštava jedinica lokalne samouprave kao obveznika unosa podataka u Registar finansijskih obaveza u Kantonu Sarajevo, sadržani su u osvrtu na sličan prijedlog i primjedbu Grada Sarajeva. Nadalje, nije sporno da općine vode svoje evidencije, te je upravo zato nejasna i prema stavu predlagača neutemeljena konstatacija da će uspostavom jedinstvenog Registra biti izložene dodatnim troškovima. Naime, vrlo vjerovatno sve u Registru tražene podatke, ili bar njihov značajan dio, općine redovno evidentiraju i pohranjuju, upravo kako bi bile u mogućnosti da efikasno upravljaju svojim obavezama.

Prijedlog dopune člana 2. nije prihvaćen, obzirom da većina obaveza po predviđenim podregistrima nastaje na osnovu različitih ugovora, sporazuma i protokola, ali su u Registru upravo razvrstane na način koji omogućava njihovo sortiranje i prepoznavanje po određenim kriterijima. Obaveze po sporazumima i protokolima se svakako smatraju finansijskim obavezama u smislu predloženog zakona, te se, kao takve, unose u podregistar dobavljača i drugih povjerilaca.




Broj: 02-04-700-2/20
Sarajevo, 23.01.2020. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 – Novi prečišćeni tekst i 37/14 – Ispravka), Vlada Kantona Sarajevo na 55. sjednici održanoj 23.01.2020. godine, donijela je sljedeći

ZAKLJUČAK

1. Utvrđuje se Prijedlog Zakona o Registru finansijskih obaveza u Kantonu Sarajevo.
2. Predlaže se Skupštini Kantona Sarajevo da, u skladu s Poslovníkom Skupštine Kantona Sarajevo, donese Zakon o Registru finansijskih obaveza u Kantonu Sarajevo.



PREMIJER

Adin Forto

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
- ④ 4. Ministarstvo finansija
5. Evidencija
6. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-6504-4/20
Sarajevo, 06.03.2020. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 – Novi prečišćeni tekst i 37/14 – Ispravka), Vlada Kantona Sarajevo na Prvoj sjednici održanoj 06.03.2020. godine, donijela je sljedeći

ZAKLJUČAK

1. Daje se saglasnost Stručnoj službi Vlade Kantona Sarajevo, da od Službe za skupštinske poslove Kantona Sarajevo povuče materijale čiji je predlagač Vlada Kantona Sarajevo, i to:
 - a) Prijedlog Zakona o izmjenama i dopunama Zakona o obrazovanju odraslih;
 - b) Prijedlog Zakona o izmjeni i dopunama Zakona o inspekcijama Kantona Sarajevo;
 - c) Prijedlog Zakona o Ekonomsko-socijalnom vijeću za područje Kantona Sarajevo;
 - d) Prijedlog Zakona o Registru finansijskih obaveza u Kantonu Sarajevo;
 - e) Nacrt Zakona o javnom prijevozu putnika u Kantonu Sarajevo;
 - f) Nacrt Zakona o cestama Kantona Sarajevo;
 - g) Nacrt Zakona o sudskim taksama.
2. Ovaj Zaključak stupa na snagu danom donošenja.



Dostaviti:

1. Predsjedavajući Skupštine Kantona Sarajevo,
2. Zamjenica predsjedavajućeg Skupštine Kantona Sarajevo, gđa. Danijela Kristić,
3. Premijer Kantona Sarajevo,
4. Služba za skupštinske poslove Kantona Sarajevo,
5. Ministarstva Kantona Sarajevo 12x,
6. Stručna služba Vlade Kantona Sarajevo,
7. Evidencija,
8. Arhiva.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina
CANTON SARAJEVO
Professional Service of the Government

Broj: 16-45-6970-5/20
Sarajevo, 11.03.2020. godine

KANTON SARAJEVO
MINISTARSTVO FINANSIJA
n/r ministra

PREDMET: Povrat materijala, dostavlja se

Poštovani,

U skladu sa Zaključkom Vlade Kantona Sarajevo broj: 02-04-6504-4/20 od 06.03.2020. godine Služba za skupštinske poslove Kantona Sarajevo dopisom broj: 15-45-6970-1/20 od 10.03.2020. godine izvršila je povrat traženih materijala.

Shodno prethodno navedenom u prilogu ovog dopisa dostavljamo Vam:

- Prijedlog Zakona o Registru finansijskih obaveza u Kantonu Sarajevo, sa pratećom dokumentacijom.
- Nacrt Zakona o sudskim taksama, sa pratećom dokumentacijom.

S poštovanjem,

Obradila: Fatić Alma
Kontrolisala: Šejtanić Irma



SECRETAR

Sabaređžić / Klačar Mersiha

Dostaviti:

1. Naslovu,
2. Evidencija,
3. Arhiva.



web: <http://vlada.ks.gov.ba>
e-mail: ssv@ks.gov.ba
Tel: + 387 (0) 33 562-075, 562-077
Fax: + 387 (0) 33 562-076
Sarajevo, Reisa Džemaludina Čauševića 1





Broj: 03-04-02-31074/22
Sarajevo, 15.08.2022. godine

MINISTARSTVO FINANSIJA
gosp. Davor Čičić, ministar

PREDMET: Prijedlog Zakona o Registru finansijskih obaveza u Kantonu Sarajevo, mišljenje –

VEZA: Vaš akt, broj: 08-01-02-30987/22 od 09.08.2022. godine


Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 36/21) i člana 4. stav 2. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17-Drugi novi prečišćeni tekst, 2/18-Ispravka i 32/22), Ministarstvo pravde i uprave razmotrilo je prijedlog ovog zakona i daje sljedeće

MIŠLJENJE

Prijedlog Zakona o Registru finansijskih obaveza u Kantonu Sarajevo je propis kojim se ne povređuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

S poštovanjem,

Dostaviti:
1. Naslovu;
2. a/a.



Bosna i Hercegovina
Federacija Bosne i Hercegovine
KANTON SARAJEVO
Ured za zakonodavstvo Vlade Kantona
Sarajevo



Босна и Херцеговина
Федерација Босне и Херцеговине
КАНТОН САРАЈЕВО
Уред за законодавство Владе
Кантона Сарајево

Bosnia and Herzegovina
Federation of Bosnia and Herzegovina
CANTON SARAJEVO
Office for Legislature of Sarajevo Canton
Government

Broj: 09-02-31057/22
Sarajevo, 16.08.2022. godine

KANTON SARAJEVO
MINISTARSTVO FINANSIJA

**PREDMET: Stručno mišljenje na prijedlog Zakona o Registru
finansijskih obaveza u Kantonu Sarajevo.-**

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17-Drugi novi prečišćeni tekst, 2/18-Ispravka i 32/22), Ured za zakonodavstvo Vlade Kantona Sarajevo, daje slijedeće

MIŠLJENJE

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Zakona o Registru finansijskih obaveza u Kantonu Sarajevo (u daljem tekstu: Zakon) po pitanju njegove usklađenosti sa odredbama ustava i drugih pozitivno-pravnih propisa koji su navedeni u tekstu prijedloga Zakona i obrazloženju predmetnog materijala.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17-Drugi novi prečišćeni tekst, 2/18-Ispravka i 32/22), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



KANTON SARAJEVO

, dipl. pravnik



Adresa: Hamida Dizdara 1, 71000 Sarajevo
Tel: + 387(0)33 560-449, Fax: + 387 (0) 33 560-448
Web: <http://vlada.ks.gov.ba>, E-mail: uz@vlada.ks.gov.ba

**“Službene novine Kantona Sarajevo”
Broj 1/96**

Na osnovu članova V-1.4. i IX-3(4) Ustava Federacije Bosne i Hercegovine (“Službene novine Federacije BiH”, broj 1/94), Skupština Kantona Sarajevo, na sjednici održanoj dana 11. marta 1996. godine, donosi

**USTAV
KANTONA SARAJEVO**

I - OPĆE ODREDBE

Član 1.

Sadržaj
Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 2.

Uspostavljanje Kantona
Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 3.

Naziv i sjedište Kantona
Službeni naziv Kantona je: Kanton Sarajevo.
Sjedište Kantona je u Sarajevu.

Član 4.

Teritorij Kantona
Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Trnovo i Vogošća, kako je to utvrđeno Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje: Skupština) sukladno federalnim zakonima.
U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavanje građana sa područja Kantona na neki od propisanih načina.

Član 5.

Službena obilježja Kantona
Kanton ima grb, zastavu, himnu/svečanu pjesmu i pečat, kao i druga obilježja o kojima odluči Skupština.
Službena obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.
Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika.

- b) osigurati suradnju svake osobe i svakog službenika u davanju potrebnih informacija i podataka;
 - c) osigurati pristup i kontrolu na svim mjestima gdje su osobe lišene slobode, zatvorene ili gdje rade;
 - d) omogućiti prisustvo sudskim i upravnim postupcima kao i sastancima organa.
- Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduzimate odgovarajuće mjere gdje to bude potrebno.

III - NADLEŽNOSTI KANTONA

Član 11.

Određivanje nadležnosti

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

Član 12.

Isključive nadležnosti

U okviru svojih nadležnosti Kanton je nadležan za:

- a) uspostavljanje i nadziranje policijskih snaga;
- b) utvrđivanje obrazovne politike, uključujući donošenje propisa o obrazovanju i osiguranje obrazovanja;
- c) utvrđivanje i provođenje kulturne politike;
- d) utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
- e) utvrđivanje politike koja se tiče reguliranja i osiguravanja javnih službi;
- f) donošenje propisa o korištenju lokalnog zemljišta, uključujući i zaniranje;
- g) donošenje propisa o unaprijeđivanju lokalnog poslovanja i dobrotvornih aktivnosti;
- h) donošenje propisa o lokalnim postrojenjima za proizvodnju energije i osiguranje njihove dostupnosti;
- i) utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- j) provođenje socijalne politike i uspostava službi socijalne zaštite;
- k) stvaranje i primjena politike turizma i razvoja turističkih resursa;
- l) stvaranje pretpostavki za optimalni razvoj privrede koja odgovara urbanoj sredini;
- m) finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

Član 13.

Zajedničke nadležnosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši slijedeće nadležnosti:

Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovníkom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili ka'njen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).